

CAPVT XXII.

Daß der Lapis, zu bestimpter zeit vollendet werde.

Erner wöllen wir von der zeit sagen / in wie langer zeit der Lapis volbracht werde / darvon die Philosophi vielerley geschrieben haben. Dann etliche zeigen ein kurze zeit an / etliche ein lange / wie im Lilio zusehen. Auß welchem man abnehmen kan das er zu einer zeit eher volbracht werde / dann zu der andern : desgleichen in einem ort eher als an dem andern : Item / von einem Künstler eher als von dem andern. Dann es seindt zwey ding die das Werck entweder befördern oder verhindern : wie auch zwey ding seindt / die es volbringen / oder zerstören / nemlich die geschicklichkeit des Laboranten / vnd die tugent der Himlischen influentz. Dann ein Meister ist geschickter / vnd eines spisfindigern verstandes vnd in der vbung fleissiger vnd fürsichtiger dann der ander. Derhalben welcher ein besser Würzel erwehlet / bequemere geschirz vnd Instrumenta darzu bereitet / messigere Regiment kan geben / fleissiger mit verglichung den vrsachen gegen den effectis nachdencket / einen bessern ort erwehlet / mit inbrünstigem gemüth Gott vnd den Heyligen gehorchet / der kan desto eher fort kommen. Darumb wirt der Künstler zwey ding zuthun geheissen: Erstlich das er Gott den Allmechtigen mit gelübdt vnd reinem Herzen ehre / auff das er ihn mit hohem verstandt erleuchte / vnd alle ver hinderungen die von dem Teuffel vnserm wider sacher in den weg geworffen werde / welche vnzelig viel sich zutragen können / von seinem Werck hinweg raume. Zum andern aber das er oft vmb das Geschirz herum gehe / vnd fleissig auß den gesehenen farben / vnd mancherley formen der Natur / abnehmen / vnd die wunderbarliche Werck der Natur vnd Gottes mit ihren vrsachen vnd effecten vnd zeichen / begreifen / damit er auß diesem sich in dem Regiment wisse zuhalten / vnd die gefahren vnd vngemach zu verhüten.

Daher Lilius sagt: Die Philo ophi haben dieser brennung oder bratung vngleiche terminos gesetzt / vielleicht von wegen der vngleichheit des feuchten vnd tropfenden von dem trucknen : dann in dem feuchten wirt es geschwinder / vnd in dem trucknen langsamer coaguliert / wie Astanus sagt. Halt es mit dem Hermete , daß das Werck so lang widerholet / vnd geriben werde / mit kochung im mist / biß es sichtbarlich werde / also wie dich die ver wandlung des Wercks lehren wirt.